

## Ма мўвем хутынттым

Хутынтман щи вуямтаюм. Вутмитемын, Хятат юх тыят сая пентмат порайн, сорни хот овыт нох щи пунштяттэ. Хот питыртат па хот таңтыт аттэ щи вутитыт, аттэ щи вуртытыт. Ма сэмңытам ант этымытңын, ләп щи ханьтытам. Хятат имев сорни хотата туңыт па ит вуямта. Щата Хятат имев нявремыт па уттыт, ма туваттэм эвет па похыт. Мўң хотэва Хятат ёш питтыйн, аңкем лопты щирын, Хятат имев ёшыт мўңев мәстэ. Хатыт ёш арки, аңкем щирын, щит Хятат имен нявремыт мўва юхытсыт мўң питаңа юнтты, ищи туват нявремыт пита... Щатта Хятат имен хотыт эвыт этым, ма вантсэм. Ма вантым щиремын, тата щи йис: Хятат имев мил поныс па посңыт тумтыс. Нэмотта сорни кўсы – щит мильт, кәт пелык са еңта лот – щит посңыт. «Тарым ищкия йитыйен, Хятат имен мил поныт па постуматыт», – ащем тәтын лопитыс. Щи тәт порайен ям нумасын юхтыйятсаюм: мильң-посың Хяттэв ма аңкем хорасып. Щи отыңын ащема лопсэм, тўв па нёхмыс: «Хятат имен – иса мир аңки. Щирын щи, атпа, тын и хорасыпңын». Мәнем умащ вус мильң-посың Хятат имев пета вантты па аңкийем отыңын нумысты. Па еша шать вус: тўңын Хятат имев нэмытхунты мил па пос ан тумтыйет... Ин па хотет эват ким этматын, хятаттэ щи мурт похныс, ма ищи кўрәмын нох питсым.

Еремей Айпин

Перевод на среднеобской диалект Л.В. Кашлатовой